



I Bah Shaphranglin Nongrum ba ju khot ieit i Bah Phang, iabashong ba sah ha Mawlai Mawroh, Umsokhlur Block 3, i lok jong i Kong Bina Lyngkhoi bad i Hynmen jong i Kong Aidaphisha Nongrum I la khlad noh. I Bah Shaphranglin Nongrum i dei ruh i Retired Deputy Chief Accounts Officer jong ka MSeB. Ka jingleit on tep ia i kan long ha ka 10 tarik u February 2026 ha ka por 1:00 baje nohphai sngi ha u Lumjingtep ka Balang Presbyterian Mawkhar ha Lawmali.

Kynnoh pyndonkam thok ka AK Enterprise ia ka muhor ka HUL

Shillong, Rymphang 08: Ki pulit ki la iathuh ba u Manabesh Biswas uba na jylla Kolkata (WB) u la phah ka jingujur ba ha ka 2 tarik mynta u bnai, bad kynnoh ruh ba u la lap ba ka AK Enterprise, Bara Bazar, Shillong ba la pyniaid da uwei u bried ba kyrteng u Utpal Kuri la kynnoh ba u la donkti ban lum ia ki tiar, ban die ia ki bad ban sam ia kine ki tiar da kaba pyndonkam bakla ne thok ia ka muhor khaïi (trademarks) bad kaba shu bud beaiñ (copyrighted artistic) ia ki kam jong ka Hindustan Unilever Ltd., (HUL).

Shah tuh umphniang diesel, shah tuh ki air conditioner

Shillong, Rymphang 08: Ka khubor ba la ioh na ki pulit la iathuh ba u Asst. Manager, ka M/s DS Refill Station, Jrikhla Inglwitt Nongjingi (WJH) la phah ka jingujur ba ha ka step jong ka 19 tarik u Kyllalyngkot, 2026, ki runar bym lah ban ithuh ki la tuh ia ka umphniang diesel napoh ka tank kaba kongsan bad donkam bha bad kumjuh ruh ki la khap ne ot ia ki pipe kiba kongsan jong kane ka jaka thep umphniang.

Shuh shuh ha kawei pat ka jingjia, u SDE, BSNL, Williamnagar u la phah ka jingujur ba ha ka 22 tarik u Kyllalyngkot, ha ka por ba dang leit jurip ia u tower jong ka BSNL, ba la wengnoh da ka NHA1 na ka bynta ka jingthmu ban shna ia ka surok ha Wagopeng (EGH), la shem ba ki runar bym lah ban ithuh ki la tuh ia ki 2 tylli ki air conditioner ba shongdor T. 40,000/-.

Sa katno ngut ki mynsiem briedw ban pynpei

la ki nongshalan ki kit lyngba ki surok PWD bad ki National Highway ym na suiñ. Wat u bieit ruh u lah ban pynshong nongrim, kumno kata ka jingshalan ka lah ban long lymda ki bor sorkar ki ia donkti lang naduh DMR, Pulit, ki DC, ki SP bad kiwei kiwei pat kiba kam sengbhalang ialade ha lynter ka surok Highway naduh Wapung shaduh Jorabad?. Nangta, lymda ki High Level ki donkti na lyndet pyrda, kumno kitei ki officer kim ioh ban kem ne pynshitom ia kiba shalan dewiong be-aiñ. Kat kum kawei ka tyllong khubor ka bym lah ban pynthikna, don kiba iathuh ba hashwa ban wan ki trok kit dewiong ki her shwa ki kali remdor da

Da ka Industrial Visit pynkut ka E-Cell, JEC Khliehriat ia ka prokram ai jinghikai

ruh ia ki syrnot sha baroh kito kiba la pyndep ia ka jingshah hikai.

Ia ka Industrial visit la pynlong hapoh ka jingialam u M. V. Rao, uba dei u GM (Process), Green Valliey Industries Limited, uba la ai jingkren ruh halor ki kam kiba iadei bad ka bor ding electrict ba ju pyntreikam ha ka karkhana ha kajuha ka por u la ong ruh ba ka long kaba donkam ban shim ia ki lad jingiada, ki jingiatehkyndon (safety standards) bad ki kam kiba dei hok ha ka jaka treikam da kaba ai jinghikai ia ki khynnah kiba leit shah hikai shabar ha kaba kin tip ia ka kam wat ha ki class-room jong ki.

Ia ka prokram la pyniaid da u Profesor Banpynskhembha Papang, uba dei ruh u SPOC, E-Cell, kum u shongknor ba pyniaid ia ka prokram u la pynshai ia ka jingthmu bad ka jingangnud jong ka jinghikai bad ong ruh ba ia kane ka jing ai jinghikai la thaw khnang na ka bynta ka jingbit

jingbiang ki khynnah samla pule da kaba pyndonkam da ki kor ki bor jong ka juk mynta kaba lah ban iarap ia ki samla ha ka iohkam iohjam bad kane ka shlem ai jinghikai ka ai jingtip ruh halor ki lad kiba iadei bad ka seng kam seng jam lane kata ka entrepreneurship, shuh shuh u la ong ba kane ka shlem ai jinghikai ka dei ruh ka jingiohi jngai jong ki bor pyniaid college ban kyntiew ia ki khun samla.

Kawei na ki bynta ba kongsan eh jong kane ka jinghikai ka long ba ki khynnah kiba la pyndep ia ka jingshah hikai ki la ioh ruh ia ka lad ban leh ia ka kam wir-ing ia ki lai tylli ki kamra klas ha Jaiñtia Eastern College bad la leh ia kane ha ka jingdon ryngkat lang ki nonghikai kiba ai jinghikai ia ki.

Shuh shuh ki samla kiba la pyndep ia ka jingshah hikai hapoh ka jingialam ki nonghikai kiba la ai jinghikai ia ki ha ki sngi ba ki dang shah hikai, ki la hiar sa sha shnong Lama East Jaiñtia

Hills District ha kaba ki la leh ia ka kam electrical wiring ha ka iing community hall ha shong Lama bad dei hangne ba ki samla pule ki la ioh ia ka lad ban pyniasoh lang ia ka pule puthi lem bad ki kam technical ha kaba ki lah ruh ban long ka jingkyrkhu ia ka im lang ka sah lang bad ruh ban thaw ia ki lad kamai.

Na ka liang u Principal

jong ka Jaiñtia Eastern Col-

lege, u Dr. P. Nongtdu, u la

pynsngew bad ong ba ia kane

ka jinghikai la pyniaid

katkum kaNational Educa-

tion Policy (NEP) 2020, kaba

don ka jingthmu ban kyntiew

ia ka jingpule puthi kaba long

ruh katkum ki sap ki phong

bad ki jingsngewtynnad jong

ki samla pule.

U Dr P.Nongtdu u la

pynsngew ruh ba ki la don

haduh sanphew ngut ki samla

pule kiba la pynrung kyrteng

ialade ha kane ka prokram

bad 24 ngut ki samla pule ki

la lah ban pyndep ia ka

jingshah hikai kata hadien ba

ki pass ia ka eksamin viva

ha ryngkat bad ka praktikal

bad ki samla ba la pyndep ia kane ka jingshah hikai mynta ki la dep thep kyrteng ban aplai ia ki license ban long kita ki certified electricians bad kane baroh ka pyni shynna ia ka jingiop bad ka jingpoi thong ka college ha kaba kyntiew ia ki samla pule.Shuh shuh u Dr P.Nongtdu u la pynpaw ka jingsngewnguh bad ai ka jingiaroh kaba khraw ia ka PRIME Meghalaya na ka bynta ka jingiarap bad ka jinglong la kloï ba ai ka jingiatreilang bad ka college ha kaba ka college ka la ioh ban pynlong ia kane ka prokram ai jinghikai kaba jop bad kaba poi thong.

Ha kane ka sngi ba pynkut ia ka prokram la ia don ryngkat lang ruh u Vice President, Green Valliey Industries Limited Nongnsing, u Pawan Joshi, uba la shah khot sngewbha kum u Special Guest bad haba kren ha ka jingialang u Pawan Joshi u la kyntu ia baroh kito kiba shah hikai ba ki dei ban nang iai bteng ban trei bha ia ka

kam kaba ki la ioh jinghikai tat haduh ba kin da lah ban pynlong janai ia ka kam bad ong ruh ba ka jingtreishitom bad jingiaineh ki dei ki bynta kiba kongsan bha ban poi sha ka thong ha ka jingim.

Ia ka prokram la pynkut da ka jingsang ia ki syrnot sha baroh kiba la lah pyndep ia

ka jingshah hikai kaba pynpaw ia ka jingpyndep kaba pura jong ki nonghshah hikai bad kane ka prokram ka pyni ruh ia ka mynsiem aiti lut jong ka Jaiñtia East-ern College Khliehriat ha kaba pyn khlaiñ ia ka jingiatreilang hapdeng ki karkhana bad ki shlem ai

jinghikai kiba ai jinghikai ym tang ha ka thoh ka tar hynrei ha ki kam ki jam ruh ban kyntiew ia ki samla bad ban pynroi ia ka kam kum ka entrepreneurship, ka dei kawei ruh ka bynta kaba don ka jingiasnoh lang bad ka imlang ka sahlang ha ki kam ba ki samla ki trei.

Pynmih hukum u DM bad khang pyrshah ia ka

jingtih dewiong beaiñ bad ka jingleh bymkohnguh ia ki kyndon aiñ bala dep pynmih, kaba la wanrah ka jingjia ba sngewsih bad duh ei ki mynsiem briedw na kate ka jingtih dewiong ha shnong Mynsngat Thangksø East Jaiñtia Hills District.

Kumta na ka liang u Abhinav Kumar Singh, IAS, uba dei u District Magistrate

ka West Jaiñtia Hills District, Jowai, ula pynmih syndon da ka hukum hapoh ka Section 163 jong ka BNSS ka ban treikam naduh ka 6 tarik mynta u bnai Rymphang, 2026.

Kane ka hukum kala khang pyrshah ban tih dewiong thiew khnai beaiñ, ha baroh ki jaka kiba hap hapoh ka West Jaiñtia Hills District.

Tang na u kwai nga kamai da ki lak tyngka

wah Gijang, la lap ba ki paidbah nongshong shnong ha kitei ki thaiñ, ki im da ka rep ka riang bad ki long ki nongshong shnong kiba pahuh pahai namar ka jingtrei shitom.

Kaba kham sngewtynnad ka long ba ki nongshong shnong ha kitei ki thaiñ wat la ki dei ki nongrep, hynrei ki iabeh bha ruh ia ka pule dangle bad ki kmie ki kpa ki da shimkhia bha ban phah skul ia ki khun jong ki.

Haba iakren bad u Bah John Sangma, u la iathuh ba watla ki samla kiba la nang la stad ki bun bha ha katei ka thaiñ, hynrei ki shem jingeh bha ban ioh rung ha ki kam sorkar, namar ba ki dei ki shnong kiba ba kyndong eh. Lada don ki kam sorkar kiba lait ruh, kim da kham ioh ia ki jingtip ha ka por kaba biang. Kumta wat haba ki la dep ia ki jingpule ruh ki hap ban minot ha ka rep ka riang, namar kane ka dei ka kam kaba ki lah ban ieng skhem ha la ki kjat na ka bynta ka kamai kajih.

Uwei na ki nongrep u Bah Saleng Marak, u la ong ba tang na u kwai bad ka kait, u lah ban kamai da ki lak tyngka ha ka shi snem. U la ong ruh ba ha ka bri kwai, u thung ruh da ki dieng kait ha ki jaka ba lait bad ka da pynitynnad shisha ia ka mariang, namar baroh saw aiom katei ka jaka ka jyrngam sah. U la ong ruh ba nalar ki dieng kait bad ki dieng kwai ki don ruh ki dieng bah diengsan kiba pynitynnad haba peit na shilliang ka wah Gijang.

Ai jingmut ka komiti u Justice Katakey ban

ban thaw lad ban pynbha ia ka um ba la kylla Acid bad ban thaw ia ia ka Acid Mine Drainage ha ki lai tylli ki shnong bad ha kajuha ka por ban pynkylla ia ki jaka ba la tih dewiong sha ki jaka jingohkai pyrrthei ha East Jaintia Hills.

Ia ka kaiphod bad jingtyrwa la dep aiti sha u

Deputy Commissioner na ka bynta ka Acid Mine Drainage ha ka shnong Rangad, Moolamanoh bad longkaluh ha ka jinglut kaba palat 15.84 klur tyngka bad ban shna pynbha ia ka kshaid ha Moostem bad ka Park ha Sutnga ka jinglut ba 4.25 klur tyngka.

La ai jingmut ia kane ka kam lah ruh ban leh da ka tnad Mining and Geology jongka sorkar jylla ne lah ban phah sha ka Oversight Committee namar kane ka lah pat ban aibor ban pynlut na ka

Meghalaya Environment Protection and Restoration Fund (MEPRF).

Ha kawei pat ka liang ka Committee jong u Justice Katakey ka la dep ban aiti ia ka kaiphod ba 35 sha ka iing bishar High Court na ka bynta ban khang bad btep ia baroh ki krem dewiong ha ka jylla Meghalaya.

Ha ka kaiphod la pynpaw ruh ba ka kaiphod ba la aiti da ka CMPDIL ka dang sahkut ha ka ophis Directorate of Min-eral Resources ha kaba iadei bad ka jingpan jingmut halor kane ka jingbtep ia ki krem dewiong. La iathuh ba ia ka Detail Project Report ruh dang sdang ban pynkhreh kat haduh mynta.

Ka jingpynlut na ka bynta ki ar tylli ki jaka ban sdang ka jingbtep khyndew kaba long kum ka jingsdang bad kum ka nuksa ne kata ka Pilot Projek kan long kumba

11.68 klur tyngka.

Tangha East Jaintia Hills ki don palat 22,000 tylli ki krem bad ka Committee ka ai jingmut ban thaw da kiwei ki lad ki lynti kumno ban btep ia kine ki krem ha ka jinglut kaba duna bha.

Halor kane ka Commit-tee ka hukum ia ka tnad Di-rectorate of Mineral Re-sources ban ai jingtip kaba bniah halor kane hapoh 10 sngi bad kumjuh ruh na ka ophis jong u Deputy Commis-sioner ka East Jaintia Hills ban ai sa kiwei ki jingai jingmut da kaba iatrei lang bad ki Rangbah Shnong bad ki paid Nongshong shnong halor kane ka juh ka kam hapoh 30 sngi.

Ka Committee ka sngewthikna ba kin don da kiwei kiwei ruh ki lad ki lynti ban btep ia kine ki par tih dewiong ha ka dor kaba tad bad ba lah ruh ban pyndep kloï.

Haduh 35 lak, khung ei ki runar ia ka pisa ba tuh na SBI

kane ka kam tuh ha ka por kaba lyngkot bha bad ki la phet krad noh ryngkat bad ka pisa kumba ?35 lak hapoh tang hynñiew minit.

Hadien katei ka jingjia, la khot ia ka Crime Scene Unit (CSU) sha katei ka jaka ban leh ia ka jingtohkkit ka dang iaïd

Ia ka case la shimti noh da ka Mawngap Police Sta-tion bad ka jingiaid tohkkit ka

dang iaïd shakhmat ban ithuh bad kem ia ki runar.

Ia mynta ki pulit ki dang bishar ia ki CCTV footage kiba don ha kane ka dong ka thain bad ki la pynkhlaiñ ruh ia ka jingiaid pahara ha katei ka jaka.

Lyngba ki sakhi, la iohi ba kine ki briedw kiba tuh na kane ka jaka kila kyndang naphang ia ka kor ATM bad ki briedw kiba leh ia kane ka

kam imat ki lah ban dei ki briedw kiba la tip bha shaphang ki kor ATM.

Kum kane kajuha ka jingjia kala jia ha Mawkriah mynshem snem ha kaba kine ki briedw kila pyndonkam da ki tiar ban ot ia ka machine bad tuh ruh ia ka pisa bad halor kane ka jingjia ym shym pat la ioh kem satia ia ki briedw ba donkti.

Bun bah ki jyrwit jyrwat watla ka JJM ka jingkyrkhu

ia ka skhim Jaal Jivan Mis-sion (JJM) na ka bynta ban pynpoi umbam umdih haman la ki thliw iing, ka iaïd beit iaïd ryntih bha.

Haba iakren bad ki riew paidbah ha ki shnong bapher bapher kiba la pyntreikam

umdh ha ka pynsuk ruh ia ki nongshong shnong khamtam ha kito ki shnong kiba duna bha ki umpohliw kiba neh ha ki aiom tlang. Hynrei, ki don ki jyrwit jyrwat ha ki shnong kiba ka sorkar ka la dep pynbit pynbiang ia ki jingdonkam na ka bynta ban pyntrei ia katei ka skhim umbam umdih.

Kine ki kynthup naduh ka jingrit palat jong ka mang

pisa, ha kaba kiba bun ki

Kontraktor kiba ioh ban

pyntrei ki pynsahteng noh,

khnang ba ka sorkar ka

kyntiew biang ia ka mang

pisa bad kiwei kiwei de,

kynthup ruh kiba ka ophis

ka tyngkhuuh bad ka jingbym

sngewthuh ki paidbah

nongshong shnong ha ki

shnong kyndong.

Phawa, Publicity Secretary ki Khun Samla Seng Khihlang.

Ha kajuha ka por la ong ruh ba na ka liang Ki Khun Samla Seng Khihlang ka khot sngewbha ia ki Dalloi, ki Syiem bad ki President, Secretary jong ki tnad Seng Khasi bad Seiñ Raij ban wan sha kane ka Lympung.

Katkum ka kyrwoh la pyntip ruh ba ka jingjingai sha katei ka jaka ka long 123KM na Amlarem ne kumba 3 kynta shiteng, 99KM na Jowai ne kumba 3 kynta ei ei, 123 KM na Khliehriat ne 3kynta shiteng, 91KM na Nongstoin ne kumba 3 kynta duna, 71KM na Bhoirymbong ne kumba 2 kynta shiteng bad 42KM na Shillong ne kumba 1 kynta shiteng.

la kem arngut na ki sanngut ki Malik jong kane ka par dewiong mynta, sa peit tang katno ki la ioh bail. Hato kam dei ba don ka bor jadu aiu re shalyndet ba lah ban pynsynjor wat ia ka Aiñ ?. Katno ka revenue jong ka sorkar ka jahklep bad ka Jylla ka wan khlemraiñ shatdong ha ka Report jong ka NITI Aayog. Kiew pynban ka Mizoram, Tripura bad kiwei. Synei ia u paidbah ba shu kohnguh blang kohnguh masi khlem pynshong nongrim balei ka jylla ka hiar shatdong haba kat kine ki resources ba ka don. U Justice B.P. Katakey haba u leit jngoh ia katei ka par dewiong ha ka sngi Thohdieng 06.02.26 u ong, kin dangiai jia bun kum

kine ki jingjia ba sngewsih

lymda ki bor sorkar kim lah

ban tehlakam. U ong shuh

shuh, lada ki bor district

administration kim treikam,

ym don da kiwei pat ba lah

ban khang ia ka jingshalan

tuh ia u dewiong.

Lymda ka sorkar India

lyngba ka Home Ministry kan

phah pahara kyrpang baroh

shisnem da ki central forces

jong ka, khlem ka jingmushlia

jong ki pulit Meghalaya

kumba la bthah da ka

Meghalaya High Court, te

kaba eh shisha ban pynsangeh

ia ka jingshalan tuh ia u

dewiong. Kam myntoi hi ruh

ba u Chief Minister bad kiwei

pat ki heh sorkar kin jaw

ummat crocodile lada ka

jingiap tyrut ha pardewiong

ka jia shi jia.

kane ka longiing kam shym la don ka iing ba paka hynrei ki shu sah ha iing barim jong ka mei-ieid jong ki.

Dei ha u bnai Risaw 2025 ba ka Jaiñtia Hills Develop-ment Society ka la iohi ia ka jingeh ba kane ka longiing ka ia kynduh. Kumta da ka jingkyrshan ka seng KHUBLEI Germany ka JHDS ka la sdang ban kner ka jingiarap sha kane ka longiing ba shem jynjar.

Wer ki khun samla seng Khihlang sha ka Lympung ba hynriew ha

“Kumta na ka liang ki Khun Samla Seng Khihlang ka khot sngewbha ia baroh ki khun ka bri u Hynñiewtrep Hynñiewskum na ki tnad seng Khasi bad Seiñ Raij bapher bapher ba kin wan sha ka lympung jong ki Khun Samla Seng Khihlang.(Sengkhasi Sein Raij). Ha kane ka Lympung yn ai ia ki kyntien sneng na ki Samla bad ki riew Rangbah, ki nongialam jong ki tnad Seng Khasi bad Seiñ Raij ha ka ba kumno ban pynneh pynsah ia ki Niam ka Rukom ki Dustur ki Riti ka ba la ioh pateng na u Blei Trai Kynrad na jrong, kan don ruh ka jing pyn i la riti na ki seng khasi sein raji ba pher ba pher,” ong ka kyrwoh ba la phah da i Mandakai

Stack dewiong ba la seized hynrei ynda ki leit ha kawei pat ka por, u dewiong ym don shuh ha kata ka depot. Wat u Dr Mukul Sangma, Leader of Opposition (LoP) ruh u la raise ia kane ka issue shisien hapoh ka House, hynrei ka shu long noh tang ka jingpyllait jynhaw, kam poi shano shano ruh.

Ka jingkylli mynta ka long, mano ban pyndeng shakuriaw ia ka miaw ?, haba baroh ki miaw ki iatuh lut. Sangsot ia kiba haiing hasem jong ki nongtrei dewiong bad nongbyla, ki duh noh ia ki mynsiem la kordor la ki dei ki immigrant labourer ne mano ruh, ka mynsiem te ka mynsiem briedw hi ym lah ban pyniapher. Hooïd, la report ba

Da ka iing bathymmai aiti ka JHDS bad KHUBLEI Germany

Ka kong Belinda Phawa kadei ka Nongshong Shnong jong ka Shnong Mihmyntdu kaba hap hapoh West Jaiñtia Hills District, ka don 5 ngut ki khun 3 ngut ki shynrang bad 2 ngut ki kynthei, u wei na u ki dei uba don jingduna ha ki dkhot met.U lok jong ka u uma Damonmi Chyrmang udei u ba don jingpang stroke bad u la shu thiah pang mynta la kumba 13 snem eiei. Baroh shi katta

kane ka longiing kam shym la don ka iing ba paka hynrei ki shu sah ha iing barim jong ka mei-ieid jong ki.

Dei ha u bnai Risaw 2025 ba ka Jaiñtia Hills Develop-ment Society ka la iohi ia ka jingeh ba kane ka longiing ka ia kynduh. Kumta da ka jingkyrshan ka seng KHUBLEI Germany ka JHDS ka la sdang ban kner ka jingiarap sha kane ka longiing ba shem jynjar.

Ia ka jinglut jingsep haba tei ia kane ka iing la iarap bei tyngka da ka Seng KHUBLEI Germany ryngkat ka jingiatreilang bad Jaiñtia Hills Development Society (JHDS) kaba dei ka shnat treikam imlang sahlang jong ka Jylla Niam Jowai.

Shuwa ban aiti ia kane ka iing, la don ka jingialang ba lyngkot ia kaba la pyniaid da u Rangbah Balang Ricallus Pasi, ryngkat ka

jingiadonlang u Fr. Manbha Pakem, Director ka JHDS, u Bah Denis Kurkalang, Coor-dinator ka JHDS, bad ki Nongialam Balang ka Balang Katholik Mihmyntdu.

Ha kaba kut ka prokram, Ka Kong Belinda Phawa ka la ai khublei ia ki nongiarap, kyrpang eh ia ka JHDS bad ka KHUBLEI Ger-many kiba la shim ia kane ka sienjam ban pynioh ia ki kane ka iing ba thymmai.

KHUBOR NA JYLLA BAD BA BTENG

7